

ANALISIS ISU-ISU ZAKAT DALAM KARYA SAHIH AL-BUKHARI

Analysis of Zakat Issues in Al-Bukhari's Authorized Masterpiece

Mohd Murshidi Mohd Noor^{1*}

Ahmad Khilmy Abdul Rahim²

^{1,2}Felo Penyelidik, Institut Penyelidikan dan Inovasi Zakat, Universiti Utara Malaysia dan Pensyarah Kanan, Pusat Pengajian Perniagaan Islam, Universiti Utara Malaysia

*Corresponding author (Email: murshidi@uum.edu.my)

Received: 10 August 2023, Reviewed: 22 August 2023, Published: 30 September 2023

Abstrak: Hadith merupakan sumber kedua terpenting dalam Islam setelah al-Quran. Hadith diberikan perhatian yang tinggi oleh umat Islam sejak dahulu lagi. Biasanya karya-karya hadith hanyalah dirujuk dari sudut hadith yang terdapat di dalamnya, tidak dari sudut fiqh. Jika ingin memahami hadith, kitab-kitab hadith dikatakan tidak sesuai untuk pembacaan awam kerana ia hanyalah bahan mentah yang belum diadun untuk dijadikan rujukan dalam hukum hakam fiqh. Namun, karya-karya hadith tidak terlepas daripada perbincangan fiqh menurut ulama yang menyusunnya seperti Imam al-Bukhari. Tarjamah bab yang terdapat di dalam karya ini menggambarkan akan fiqh beliau terhadap hadith. Metodologi kajian adalah menggunakan kaedah penyelidikan secara kualitatif. Berdasarkan kepada kepentingan hadith dalam perbincangan fiqh sebagaimana yang ditekankan oleh tokoh-tokoh hadith terdahulu seperti Imam al-Bukhari, artikel ini bertujuan untuk mendapatkan beberapa pandangan ulama dalam perbincangan mereka mengenai pemahaman terhadap hadith-hadith zakat yang dihimpunkan dalam Sahih al-Bukhari menerusi tarjamah bab oleh Imam al-Bukhari, yang dikira masih relevan dan masih dibincangkan pada masa kini.

Kata Kunci: Sahih al-Bukhari, Tarjamah Bab, Hadith Zakat

Abstract: *Hadith is the second most important source in Islam after the Quran. Hadith has been given high attention by Muslims since time immemorial. Usually, the works of hadith are only referred to from the point of view of the hadith found in them, not from the point of view of fiqh. If you want to understand the hadith, the hadith books are said to be unsuitable for public reading because they are only raw material that has not been mixed to be used as a reference in jurisprudence. However, the works of hadith are not separated from the discussion of fiqh according to the scholars who compiled them such as Imam al-Bukhari. The translation of the chapter found in this work describes his jurisprudence on hadith. The research methodology is to use qualitative research methods. Based on the importance of hadith in the discussion of fiqh as emphasized by previous hadith figures such as Imam al-Bukhari, this article aims to obtain some views of scholars in their discussion regarding the understanding of the hadiths of zakat collected in Sahih al-Bukhari through the translation of chapter by Imam al-Bukhari, which is considered still relevant and still discussed today.*

Keywords: *Sahih al-Bukhari, Chapter Translation, Zakat Hadith*

PENDAHULUAN

Menurut Yusul al-Qardawi, umat Islam sejak dahulu lagi mengakui bahawa Sunnah Nabawiyah merupakan sumber kedua dalam pensyariatan Islam setelah al-Quran. Hal ini merupakan perkara yang tidak berlaku *khilaf* dalam kalangan mereka yang meredai Allah sebagai Tuhan, dan Muhammad SAW sebagai nabi.¹ Setelah kewafatan Nabi Muhammad SAW, hadith diusahakan oleh ulama untuk dikumpulkan agar ia tidak hilang. Banyak karya-karya yang menghimpunkan hadith-hadith Nabi Muhammad SAW. Antaranya adalah *al-Kutub al-Sittah* iaitu enam kitab hadith terkenal yang terdiri daripada *Sahih al-Bukhari*, *Sahih Muslim*, *Sunan Abi Daud*, *Sunan al-Tirmidhi*, *Sunan al-Nasa'i* dan *Sunan Ibn Majah*. Daripada keenam-enam kitab hadith ini, kitab *Sahih al-Bukhari* mempunyai banyak kelebihan berbanding kitab-kitab hadith yang lain kerana dihimpunkan kesemua hadith *sahih* di dalamnya, di samping penyusunan hadith tersebut berdasarkan kepada topik-topik fiqah. Topik itu disusun dalam bentuk *tarjamah* bab yang mana ia merupakan hasil ijihad Imam al-Bukhari dalam permasalahan fiqh.

Perbincangan berkaitan hadith-hadith zakat adalah begitu penting kerana Nabi berperanan sebagai penjelas kepada isi kandungan al-Quran. Itulah peranan terpenting Rasulullah SAW diutuskan ke muka bumi. Allah SWT menurunkan al-Quran kepada Nabi Muhammad SAW adalah untuk baginda menerangkan kepada umatnya maksud al-Quran untuk difahami dengan sebenarnya, dan kehendak al-Quran untuk diamalkan. Hal ini merupakan fungsi kerasulan Nabi Muhammad SAW.² Firman Allah SWT:

وَأَنْزَلْنَا إِلَيْكَ الْذِكْرَ لِتُبَيِّنَ لِلنَّاسِ مَا نَزَّلْنَا إِلَيْهِمْ وَلَعَلَّهُمْ يَتَفَكَّرُونَ

“...Dan Kami pula turunkan kepadamu (wahai Muhammad) al-Quran yang memberi peringatan, supaya engkau menerangkan kepada manusia akan apa yang telah diturunkan kepada mereka, dan supaya mereka memikirkannya...”

(Surah al-Nahl: ayat 44)

Oleh yang demikian, berdasarkan kepada kepentingan hadith dalam perbincangan fiqh sebagaimana yang ditekankan oleh tokoh-tokoh hadith terdahulu seperti Imam al-Bukhari, artikel ini bertujuan untuk mendapatkan beberapa pandangan ulama dalam perbincangan mereka mengenai pemahaman terhadap hadith-hadith zakat yang dihimpunkan dalam *Sahih al-Bukhari* menerusi *tarjamah bab* oleh Imam al-Bukhari, yang dikira masih relevan dan masih dibincangkan pada masa kini.

METODOLOGI KAJIAN

Berdasarkan kesesuaian dan bentuk kajian yang bakal dilakukan maka penyelidik memilih untuk menggunakan kaedah penyelidikan secara kualitatif. Rasionalnya, penyelidik berpendapat, kajian kualitatif ini sesuai bagi sesuatu kajian yang tidak berdasarkan kepada hipotesis dan mampu membentuk suasana yang lebih kondusif dan kajian boleh dijalankan secara lebih natural. Selain itu, dalam kajian ini penyelidik juga mengumpulkan bahan-bahan bercetak dan dokumentasi khususnya buku-buku, kitab-kitab turath (warisan Islam) karangan

¹ Yusuf al-Qardawi (2002), *al-Sunnah Masdar an Li al-Ma'rifah Wa al-Hadarah*, c. 3. Al-Qahirah: Dar al-Shuruq, h. 7.

² *Ibid.*, h. 8.

fuqaha silam, jurnal-jurnal, kertas kerja dan dokumen-dokumen bercetak yang lain untuk meninjau doktrin-doktrin dan hukum-hukum yang berkaitan dengan kajian ini. Kandungan bahan-bahan yang dinyatakan di atas akan dinilai dan dianalisis secara kualitatif kerana kesuaianya dengan bentuk bahan-bahan tersebut.

Pengumpulan Data Kajian

Kajian ini menggunakan satu teknik pengumpulan data iaitu kaedah penyelidikan perpustakaan. Metodologi ini dipilih kerana bertepatan dengan bentuk kajian yang dijalankan dan dapat membantu ke arah mencapai objektif yang ditetapkan.

Kaedah Penyelidikan Perpustakaan

Kaedah atau metodologi ini memerlukan penyelidik membuat kajian perpustakaan iaitu penyelidik mencari bahan-bahan yang berkaitan ulasan ulama terhadap hadith-hadith yang dihimpunkan oleh Imam al-Bukhari dalam topik zakat menerusi *tarjamah bab* dengan merujuk kajian-kajian terdahulu, tesis-tesis, kertas-kertas kerja, jurnal-jurnal, teks-teks turath dan buku-buku yang berkaitan dengan tajuk kajian. Oleh itu, penyelidik mencari bahan-bahan berkenaan di Perpustakaan Sultanah Bahiyah, Universiti Utara Malaysia (UUM), Perpustakaan Awam Negeri Kedah, Perpustakaan Universiti Malaya (UM), Perpustakaan Universiti Kebangsaan Malaysia (UKM), Perpustakaan Universiti Islam Antarabangsa Malaysia (UIAM), Perpustakaan Universiti Islam Antarabangsa dan Lembaga Zakat Negeri Kedah.

IMAM AL-BUKHARI DAN KARYA SAHIH AL-BUKHARI

Nama penuh Imam al-Bukhari ialah Muhammad bin Isma‘il bin Ibrahim bin al-Mughirah bin Bardizbah.³ Beliau digelar sebagai Abu ‘Abdullah.⁴ Imam al-Bukhari dilahirkan pada hari Jumaat, bertarikh 13 Syawal tahun 194 Hijrah. Beliau meninggal dunia pada malam Sabtu bersamaan malam hari raya Aidilfitri. Beliau dikebumikan pada hari raya Aidilfitri setelah solat Zohor bersamaan bulan Syawal tahun 256 Hijrah. Umur beliau pada ketika itu ialah 62 tahun.⁵

Ilmu yang dimiliki oleh Imam al-Bukhari adalah terlalu luas. Hal ini sebagaimana yang dikatakan oleh al-Tirimidhi dengan katanya: “*Aku tidak melihat orang di Iraq dan tidak juga di Khurasan yang menguasai ilmu al-‘ilal, al-tarikh, serta sanad-sanad hadith melebihi penguasaan yang dimiliki oleh Muhammad bin Isma‘il*”.⁶ Demikian juga yang diperkatakan oleh al-Hafidh Abu ‘Ali Saleh bin Muhammad bin Jazrah dengan katanya: “*Orang yang paling menguasai berkaitan hadith dalam kalangan mereka ialah al-Bukhari*”.⁷

Guru Imam al-Bukhari mencecah bilangan seramai seribu orang lebih. Berdasarkan catatan Imam al-Bukhari sendiri, beliau menulis hadith daripada guru-gurunya yang berjumlah 1080 orang. Beliau berkata: “*Aku menulis hadith yang aku ambil daripada 1080 orang guru. Mereka adalah para guru hadith. Mereka kesemua mengatakan bahawa iman itu*

³ Al-Nawawi (t.t.), *Tahdhib al-Asma’ Wa al-Lughat*, j. 1. Beirut: Dar al-Kutub al-`Ilmiyyah, h. 67.

⁴ Abu al-`Abbas Shams al-Din Ahmad Bin Muhammad Bin Abi Bakr Bin Khalkan (t.t.), *Wafayat al-A‘yan Wa Anba’ Abna’ al-Zaman*, j. 4. Beirut: Dar Sabir, h. 188.

⁵ Abu Bakr Ahmad Bin `Ali al-Khatib al-Baghdadi (1997), *Tarikh Baghdad Aw Madinah al-Islam*, j. 2. Beirut: Dar al-Kutub al-`Ilmiyyah, h. 6.

⁶ Al-Nawawi (t.t.), *Op.cit*, j. 1, h. 70.

⁷ *Ibid.*, j. 1, h. 68.

*ialah percakapan dan perbuatan, ia boleh bertambah dan berkurang.”*⁸ Murid-murid Imam al-Bukhari yang terkenal ialah antaranya Abu ‘Isa al-Tirmidhi, dan Muslim. Demikian juga para imam hadith lain yang terlalu ramai,⁹ merupakan murid kepada Imam al-Bukhari.

Imam al-Bukhari turut menghasilkan karya-karya yang menjadi rujukan ramai pihak. Antara karya beliau yang terkenal ialah *al-Jami‘al-Sahih*,¹⁰ *al-Tarikh al-Kabir*,¹¹ dan sebagainya. Karya beliau yang paling penting dan masyhur ialah kitab *al-Jami‘al-Sahih* atau *Sahih al-Bukhari*. Beliau ada membincarkan berkaitan dengan penghasilan karya beliau ini dengan katanya: “*Tidaklah aku meletakkan satu hadith pun di dalam kitab ini melainkan aku akan mandi terlebih dahulu dan menunaikan solat sunat dua rakaat.*”¹² Tujuan Imam al-Bukhari menghasilkan *Sahih al-Bukhari* ialah untuk menzahirkan pemahaman hadith yang *sahih* serta mengeluarkan beberapa faedah daripadanya. Faedah-faedah yang dikeluarkan itu dinyatakan oleh beliau dalam bentuk *tarajim al-abwab* iaitu tajuk-tajuk bagi bab.¹³

Oleh yang demikian, Imam al-Bukhari bukanlah sekadar imam hadith semata-mata, malahan beliau juga adalah imam mujtahid yang dapat diperhatikan *fiqh* dan ijtihad beliau menerusi *tarajim al-abwab* tersebut. Sehingga terkenal dalam kalangan ulama bahawa *fiqh al-Bukhari* terdapat pada *tarajim al-abwab* dalam karya *Sahihnya*.¹⁴

HIKMAH PENSYARIATAN ZAKAT

Para ulama al-Shafi‘iyyah memberikan pengertian zakat bahawa ia merupakan satu kata nama yang digunakan untuk kadar yang dikhususkan daripada harta yang khusus, ia wajib diagihkan kepada asnaf-asnaf yang telah dikhususkan, dengan beberapa syarat.¹⁵ Allah SWT telah memberikan kelebihan kepada sebahagian orang Islam dengan mengurniakan kepada mereka harta yang banyak. Selain mereka, Allah Taala menguji dengan sedikit harta. Oleh yang demikian, Allah Taala memfardukan ke atas orang yang kaya untuk menunaikan zakat, untuk diagihkan kepada golongan yang berhak menerima dana zakat tersebut. Zakat mempunyai kemaslahatan yang besar. Jika dinisbahkan kepada orang kaya, ia merupakan ubat yang mujarab bagi penyakit kedekut, serta tamak kepada harta. Justeru, zakat dapat mengajar mereka erti amanah yang ada di tangan mereka, untuk diserahkan kepada golongan yang berhak mendapatkannya. Akhirnya, hal ini akan dapat mewujudkan satu masyarakat yang saling tolong menolong antara satu sama lain.

Zakat juga dapat mengajar golongan kaya agar bersyukur dengan nikmat harta yang Allah Taala kurniakan kepada mereka, dengan memberikan sebahagian harta itu kepada fakir miskin, untuk menjaga maruah mereka daripada menagih simpati orang lain. Zakat bukanlah untuk kes belas kasihan daripada orang kaya terhadap orang miskin, tetapi merupakan kefarduan yang diperintahkan oleh Allah untuk ditunaikan. Firman Allah SWT:

⁸ Shams al-Din Muhammad Bin Ahmad Bin ‘Uthman al-Dhahabi (1997), *Siyar A‘lam al-Nubala*’, j. 12. Beirut: Dar al-Fikr, h. 359.

⁹ *Ibid.*, j. 12, h. 398.

¹⁰ *Ibid.*, j. 12, h. 405.

¹¹ Abu Bakr Ahmad Bin ‘Ali al-Khatib al-Baghda (1997), *Op.cit.*, j. 2, h. 8.

¹² Shams al-Din Muhammad Bin Ahmad Bin ‘Uthman al-Dhahabi (1997), *Op.cit.*, j. 12, h. 405.

¹³ Nur al-Din ‘Itr (2003), *Manhaj al-Naqd Fi ‘Ulum al-Hadith*, c. 3. Dimashq: Dar al-Fikr, h. 253.

¹⁴ Muhammad Abu al-Layth al-Khayr Abadi (2009), ‘Ulum al-Hadith Asiluha Wa Mu‘asiruhu, c. 6. Kajang: Dar al-Shakir, h. 62.

¹⁵ Abu Zakariyya Yahya Bin Sharaf al-Nawawi (t.t.), *Mughni al-Muhtaj Ila Ma`rifah Ma`ani Alfaz al-Minhaj Sharh al-Shaykh Muhammad al-Sharbini al-Khatib ‘Ala Matn al-Minhaj*, j. 1. Makkah: al-Maktabah al-Faysaliyyah, h. 368.

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُرْكِيَّهُمْ بِهَا

“...Ambillah (sebahagian) dari harta mereka menjadi sedekah, supaya dengannya engkau membersihkan mereka (dari dosa) dan mensucikan mereka (dari akhlak yang buruk).

(Surah al-Maidah: ayat 103)

Berdasarkan ayat ini, jelas bahawa zakat merupakan perintah Allah SWT ke atas umat Islam agar ia ditunaikan bagi melaksanakan tanggungjawab sosial sesama mereka, dan membersihkan diri daripada sifat mazmumah.

ANALISIS TOPIK ZAKAT DALAM KARYA SAHIH AL-BUKHARI

Dalam karya *Sahih al-Bukhari*, topik zakat diletakkan setelah topik solat. Perletakan topik sedemikian dapat difahami menerusi banyak ayat di dalam al-Quran yang menggandingkan antara solat dan zakat. Dalam gandingan tersebut, Allah SWT mendahuluikan solat berbanding zakat. Antaranya ialah firman Allah SWT:

وَأَقِيمُوا الصَّلَاةَ وَآتُوا الزَّكَاةَ وَارْكُحُوا مَعَ الرَّاكِعِينَ

Maksudnya: *Dan dirikanlah kamu akan sembahyang dan keluarkanlah zakat, dan rukuklah kamu semua (berjemaah) bersama-sama orang-orang yang rukuk.* [Surah al-Baqarah: ayat 43]

Berdasarkan ayat al-Quran ini, perkataan solat adalah didahuluikan susunannya berbanding zakat. Oleh yang demikian, Imam al-Bukhari mendahuluikan topik solat berbanding zakat menerusi karya *sahihnya*.

Dalam topik zakat dalam karya *Sahih al-Bukhari*, terdapat sebanyak 118 hadith yang dimuatkan oleh Imam al-Bukhari di dalam karya tersebut, yang dibahagikan kepada 78 bab. Bilangan hadith itu adalah berdasarkan kepada susunan nombor menerusi terbitan al-Sultaniyyah, al-Kubra al-Amiriyyah, Bulaq, Mesir.¹⁶ Menurut al-Hafidh Ibn Hajar al-'Asqalani menerusi karya *Fath al-Bari*,¹⁷ beliau mengatakan bahawa topik zakat dalam *Sahih al-Bukhari* mengandungi hadith *marfu'* sebanyak 172 hadith. Hadith yang *mawsul* berjumlah 119 hadith, manakala baki daripada itu adalah hadith dalam kategori *mutaba'ah* dan *mu'allaq*. Terdapat juga *athar* daripada sahabat dan tabiin yang berjumlah 20 *athar* kesemuanya. Bab-bab yang dikemukakan dalam topik zakat ini adalah seperti berikut:

Bab-bab Zakat Dalam *Sahih al-Bukhari*

Berdasarkan kepada bab-bab zakat berdasarkan hadith dalam *Sahih al-Bukhari* di atas, sebanyak 46 bab mengandungi satu (1) teks hadith, 14 bab mengandungi dua (2) teks hadith, tiga (3) bab mengandungi tiga (3) teks hadith, empat (4) bab mengandungi empat (4) teks hadith, dua (2) bab mengandungi lima (5) teks hadith, satu (1) bab mengandungi enam (6) teks hadith dan enam (6) bab tidak mengandungi sebarang hadith di dalamnya. Oleh yang demikian, kebanyakan bab dalam topik zakat dalam *Sahih al-Bukhari* adalah mengandungi

¹⁶ Lihat Abu 'Abdullah Muhammad Bin Isma'il Bin Ibrahim Bin al-Mughirah Ibn Bardizbah al-Bukhari al-Ju'fi (1311H), *Sahih al-Bukhari*, j. 2. Misr: al-Sultaniyyah, h. 104-132.

¹⁷ Ahmad Bin 'Ali Bin Hajar al-'Asqalani (2005), *Fath al-Bari Bi Sharh Sahih al-Bukhari*, j. 4. Al-Riyad: Dar Taybah, h. 382.

satu teks hadith iaitu mewakili 46 bab kesemuanya. Terdapat satu bab yang mengandungi hadith terbanyak dalam topik zakat iaitu bab pertama yang memperihalkan mengenai kewajipan menunaikan zakat. Enam bab yang tidak mengandungi hadith itu kemungkinan kerana hadith-hadith yang berkaitan dengan bab tersebut tidak menepati syarat *sahih* bagi Imam al-Bukhari, tetapi menepati syarat *sahih* bagi imam-imam hadith yang lain, atau Imam al-Bukhari berpada dengan ayat-ayat al-Quran sahaja bagi bab-bab yang dinyatakan itu. Dalam topik zakat ini, tiada hadith dalam enam bab itu disebabkan Imam al-Bukhari berpada dengan ayat-ayat al-Quran yang membicarakan mengenainya.

ANALISIS KANDUNGAN HADITH

Bagi menganalisis isi perbincangan tentang zakat dalam *Sahih al-Bukhari*, penulis hanya memberikan penumpuan kepada permasalahan-permasalahan yang menurut pemerhatian penulis adalah begitu menarik untuk diketengahkan dalam artikel ini, kerana permasalahan tersebut yang dibicarakan oleh Imam al-Bukhari dalam karya *sahihnya* dilihat masih relevan untuk dibincangkan sehingga kini. Bab-bab yang dibentuk oleh Imam al-Bukhari dalam karya *sahihnya* adalah berasaskan kepada permasalahan-permasalahan tentang zakat serta pandangan beliau untuk menyelesaikan permasalahan itu berdasarkan hadith-hadith *sahih* yang dikemukakannya. Tajuk-tajuk yang dipilih oleh penulis menerusi karya *Sahih al-Bukhari* adalah seperti berikut:

Zakat Secara Terang-terangan dan Tersembunyi

Biasa yang dibincangkan dalam hukum fiqah ialah berkaitan dengan keharusan untuk seseorang itu menzahirkan amalan berzakat di hadapan orang ramai, atau menyalurkan bantuan zakat secara terang-terangan, dengan alasan bahawa zakat adalah satu kefarduan, maka boleh dilakukan hal demikian secara nyata agar diikuti pula oleh orang lain untuk melaksanakan perkara yang sama.

Dalam *Sahih al-Bukhari*, Imam al-Bukhari ada menyentuh hal ini dengan membicarakan dua kaedah penyaluran bantuan zakat iaitu sama ada secara terang-terangan, mahupun secara tersembunyi. Walau pun dalam bab-bab itu digunakan perkataan ‘sedekah’ oleh Imam al-Bukhari, tetapi disebabkan topik besar adalah topik zakat, maka sedekah yang dimaksudkan oleh beliau itu adalah sedekah wajib iaitu zakat. Hal ini sebagaimana yang diperkatakan oleh al-Qaradawi bahawa makna zakat dari sudut bahasa al-Quran dan al-Sunnah ialah sedekah. Beliau menukilkan pandangan al-Mawardi yang mengatakan bahawa: “*Sedekah itu adalah zakat, dan zakat itu adalah sedekah.*”¹⁸ Menurut al-Qaradawi lagi, ‘uruf masyarakatlah yang tidak meletakkan makna kalimah ini pada tempatnya, sehinggakan ia digunakan hanya untuk perkara sunat sahaja.¹⁹

Kedua-dua kaedah penyaluran zakat iaitu sama ada secara terang-terangan atau sembunyi boleh dilaksanakan oleh sesiapa sahaja dengan syarat menepati kehendak agama. Apabila kehendak agama terpenuhi, barulah seseorang itu memperoleh pahala dari tindakannya itu, serta tidak menghilangkan pahala amalannya. Sama ada ditunaikan zakat secara terang-terangan atau tersembunyi, perlakuan itu mestilah dilakukan kerana mengharapkan reda Allah SWT. Dalam hal ini, Imam al-Bukhari tidak membicarakan mana

¹⁸ Yusuf al-Qaradawi (1973), *Fiqh al-Zakah Dirasah Muqaranah Li Ahkamiha Wa Falsafatuha Fi Daw' al-Qur'an Wa al-Sunnah*, c. 2. Beirut: Mu'assasah al-Risalah, h. 40.

¹⁹ *Ibid.*, h. 41.

lebih afdal sama ada disalurkan secara terang-terangan atau tersembunyi. Hal ini mengisyaratkan bahawa Imam al-Bukhari menghendaki bahawa keafdalan itu bergantung kepada individu yang melakukannya, bukannya kepada kaedah penyaluran yang digunakan. Dalil yang dirujuk oleh Imam al-Bukhari untuk membicarakan kaedah ini adalah berdasarkan kepada ayat al-Quran iaitu:²⁰

الَّذِينَ يُنْفِقُونَ أَمْوَالَهُمْ بِاللَّيْلِ وَالنَّهَارِ سِرًا وَعَلَانِيَةً فَأَهُمْ أَجْرُهُمْ عِنْدَ رَبِّهِمْ وَلَا حُوقٌ عَلَيْهِمْ وَلَا هُمْ يَحْرُثُونَ
(274)

“...Orang-orang yang menafkahkan hartanya di malam dan di siang hari secara tersembunyi dan terang-terangan, maka mereka mendapat pahala di sisi Tuhan mereka. Tidak ada kekhawatiran terhadap mereka dan tidak (pula) mereka bersedih hati...”

(Surah al-Baqarah: ayat 274)

Berdasarkan ayat ini, Allah SWT memuji orang-orang yang menafkahkan hartanya pada jalan Allah dalam segala keadaan sama ada siang atau malam, dilakukan secara rahsia atau terang-terangan kerana mengharapkan reda Allah SWT.²¹ Penyaluran nafkah di jalan Allah adalah berbentuk umum, termasuklah zakat. Sebab itulah Imam al-Bukhari membincangkan bab ini dalam topik zakat. Seterusnya, Imam al-Bukhari merujuk kepada ayat al-Quran berkaitan dengan sebaik-baik penyaluran sedekah adalah dengan cara tersembunyi iaitu:²²

إِنْ تُبْدِوا الصَّدَقَاتِ فَنِعْمًا هِيَ، وَإِنْ تُخْفِوهَا وَتُؤْثِرُهَا الْفُقَرَاءَ فَهُوَ خَيْرٌ لَكُمْ

“...Jika kamu menampakkan sedekah(mu), maka itu adalah baik sekali. Dan jika kamu menyembunyikannya dan kamu berikan kepada orang-orang fakir, maka menyembunyikan itu lebih baik bagimu...”

(Surah al-Baqarah: ayat 271)

Oleh hal demikian, disebabkan Imam al-Bukhari tidak menyatakan secara jelas manakah lebih afdal untuk ditunaikan zakat sama ada dengan cara tersembunyi atau dengan cara terang-terangan, maka dapatlah difahami bahawa Imam al-Bukhari mengisyaratkan mengenai keafdalan itu bergantung kepada individu yang melakukannya, bukannya kaedah penunaian zakat yang digunakan. Hal ini bertepatan dengan pandangan al-Kashmiri yang mengatakan bahawa perlakukan sedekah sama ada secara terang-terangan atau bersembunyi bukanlah satu piwaian yang menyeluruh (*dabit kulli*), kerana perkara yang mendekati kebenaran dalam hal ini adalah bergantung kepada keadaan seseorang yang masing-masing berlainan. Satu ketika, amalan sedekah yang dilakukan secara terang-terangan itu sesuai dengan seseorang, tetapi tidak sesuai untuk orang lain, dan satu ketika tindakan bersedekah secara bersembunyi itu lebih sesuai untuk seseorang, tidak sesuai pula untuk orang lain.

²⁰ Abu ‘Abdullah Muhammad Bin Isma‘il Bin Ibrahim Bin al-Mughirah Ibn Bardizbah al-Bukhari al-Ju‘fi (1311H), *Sahih al-Bukhari*, j. 2. Misr: al-Sultaniyyah, h. 110.

²¹ Lihat Abu al-Fida’ al-Hafiz Ibn Kathir al-Dimashqi (t.t.), *Tafsir al-Qur'an al-'Azim*, j. 1. Makkah al-Mukarramah: al-Maktabah al-Tijariyyah, h. 486.

²² Abu ‘Abdullah Muhammad Bin Isma‘il Bin Ibrahim Bin al-Mughirah Ibn Bardizbah al-Bukhari al-Ju‘fi (1311H), *Op.cit*, j. 2, h. 110.

Yazid bin Abi Habib mengatakan bahawa ayat di atas secara mutlaknya menyarankan agar sedekah diberikan secara bersembunyi.²³ Dalam karya ‘Umdah al-Qari’ menukilkan pandangan beliau yang mengatakan bahawa zakat atau sedekah sunat yang diberikan kepada golongan fakir muslim secara tersembunyi itu adalah lebih afdal.²⁴ Selain itu, Abu Ishaq al-Zujaj mengatakan bahawa menunaikan zakat pada zaman Nabi Muhammad SAW secara bersembunyi adalah lebih afdal.²⁵ Selanjutnya Ibn ‘Atiyyah mengatakan bahawa menunaikan sedekah fardu (zakat) yang dilakukan secara bersembunyi adalah lebih afdal pada zaman beliau, kerana ramai yang enggan tunaikan zakat secara terang-terangan ditakuti terdedah dengan *riya*.²⁶

Pada zaman kini, kaedah membayar zakat secara tersembunyi dapat dilakukan menerusi penunaian zakat atas talian. Menurut penulis, cara sebegini mempunyai kelebihannya kerana ia dapat disalurkan secara terus kepada institusi zakat yang diamanahkan untuk mengagihkan zakat, tanpa asnaf mengetahui siapakah yang menyalurkan bantuan zakat kepadanya. Cara sebegini dapat menjaga hati orang yang membayar zakat agar terhindar daripada *riya* dan *sum`ah*, juga tidak merasa bermegah-megah dengan pemberian yang diberikan sedangkan itu adalah harta kurniaan Allah SWT. Selain itu, dapat menjaga air muka sebahagian asnaf yang enggan didekahkan kesusahan mereka.

Orang Bukan Islam Ingin Membayar Zakat

Hukum hakam berkaitan dengan ibadah dalam Islam termasuklah zakat hanya dikhususkan kepada orang Islam sahaja. Bagaimana pula sekiranya orang bukan Islam dengan sukarela ingin mengamalkan penunaian zakat harta, adakah diterima sumbangannya itu? Imam al-Bukhari dalam karya *sahihnya* ada membicarakan permasalahan ini iaitu berkaitan dengan orang musyrik yang bersedekah, lalu setelah itu ia memeluk Islam dengan katanya: “*Orang yang Bersedekah Sewaktu Ia Masih Musyrik Lalu Masuk Islam*”.²⁷ Imam al-Bukhari meriwayatkan satu hadith daripada Hakim bin Hizam r.a. yang bertanya kepada Rasulullah SAW berkaitan dengan sedekah yang dilakukan olehnya pada zaman jahiliah, adakah ia akan memperolehi pahala dengan amalan yang dilakukan itu? Rasulullah SAW mengatakan bahawa ia akan memperolehi pahala dengan amalan yang dilakukannya itu setelah ia masuk Islam.²⁸ Berdasarkan hadith yang dikemukakan oleh Imam al-Bukhari, menunjukkan bahawa sedekah yang dilakukan oleh orang bukan Islam, termasuklah zakat, boleh diterima tindakan mereka itu jika mereka memeluk Islam satu hari nanti. Amalan sedekah atau zakat yang dilakukan oleh mereka sebelum ini akan diberikan pahala.

Walau bagaiman pun, terdapat perbezaan pandangan ulama mengenai tafsiran hadith sama ada pahala diperolehi atau tidak oleh seseorang yang melakukan amalan baik sebelum ia memeluk Islam, setelah itu ia memeluk Islam. Berdasarkan permasalahan ini, al-Maziri mengatakan bahawa pahala tidak diperolehi oleh orang bukan Islam walaupun setelah itu ia

²³ Ahmad Bin ‘Ali Bin Hajar al-‘Asqalani (2005), *Fath al-Bari Bi Sharh Sahih al-Bukhari*, j. 4. Al-Riyad: Dar Taybah, h. 246.

²⁴ Badr al-Din Abi Muhammad Mahmud Bin Ahmad al-‘Ayni (2001), ‘Umdah al-Qari Sharh Sahih al-Bukhari, j. 8. Beirut: Dar al-Kutub al-‘Ilmiyyah, h. 410.

²⁵ Ahmad Bin ‘Ali Bin Hajar al-‘Asqalani (2005), *Op.cit.*, j. 4, h. 246.

²⁶ *Ibid.*, j. 4, h. 246.

²⁷ Abu ‘Abdullah Muhammad Bin Isma‘il Bin Ibrahim Bin al-Mughirah Ibn Bardizbah al-Bukhari al-Ju‘fi (1311H), *Op.cit.*, j. 2, h. 114.

²⁸ تَحْرِيْج: [البَخَارِيُّ، الرِّزْكَةُ، مَنْ تَصَدَّقَ فِي الشَّرِيكِ ثُمَّ أَسْلَمَ، حَدِيثٌ 1436، عَنْ حَكِيمِ بْنِ حِزَامٍ رَضِيَ اللَّهُ عَنْهُ]

memeluk Islam, tetapi amalan itu memberikan manfaat kepadaanya kerana ia akan terus melakukan amalan baik setelah ia memeluk Islam.²⁹ Sebahagian ulama mengatakan bahawa amalan baik ketika ia bukan Islam akan memperolehi keberkatan kerana bakal mendorongnya ke arah hidayah Allah untuk ia memeluk Islam.³⁰ Ibn al-Munayyir dan selain beliau berpandangan bahawa amalan orang bukan Islam tidak ditulis sebagai amalan baik dalam keadaan kekufurannya, tetapi Allah akan mengurniakan pahala kebaikan yang dilakukannya itu, apabila ia memeluk Islam.³¹ Ibn Battal mengatakan bahawa terserahlah kepada Allah untuk mengurniakan pahala kepada sesiapa yang Ia kehendaki, tanpa sesiapa pun boleh membantahnya.³²

Oleh yang demikian, berdasarkan perbincangan ulama ini, mengisyaratkan bahawa sekiranya orang bukan Islam ingin menunaikan zakat hartanya, maka pihak amil perlulah menerima pemberian itu tetapi bukan sebagai zakat, sebagai penerimaan biasa, sama ada hadiah atau apa sahaja. Wang itu boleh dimasukkan ke dalam Baitulmal dan penggunaanya adalah untuk maslahah atau kebajikan umum.³³ Menurut Ketua Pegawai Eksekutif Lembaga Zakat Negeri Kedah (LZNK), pihak LZNK akan menerima sebarang sumbangan daripada orang bukan Islam bagi tujuan manfaat kepada umat Islam di negeri Kedah.³⁴ Oleh yang demikian, amalan sedekah atau zakat yang dilakukan oleh orang bukan Islam, boleh mendorongnya satu hari nanti untuk memeluk Islam, berkat amalan kebaikan yang dilakukannya, walaupun amalan yang dilakukannya itu tidak dikira sebagai zakat, sebagai sumbangan biasa sahaja.

Salah Laku Menerusi Permohonan Zakat

Zakat di dalam Islam diperuntukkan hanya untuk lapan asnaf sahaja. Oleh yang demikian, lapan asnaf ini sahaja yang layak untuk mendapatkan dan memohon dana zakat. Ada juga dalam kalangan orang ramai yang sengaja memohon bantuan zakat walaupun mereka tidak layak melakukan demikian. Ada yang menipu data peribadi untuk menampakkan bahawa ia tergolong dalam golongan asnaf. Ada juga yang memohon bantuan zakat untuk memperkayakan diri serta mengumpulkan harta. Dalam hal ini, Imam al-Bukhari menyatakan *tarjamah* bab dalam *Sahih al-Bukhari* dengan katanya: “*Orang yang Meminta kepada Orang-Orang Lain kerana Ingin Memperbanyak Harta Secara Berlebihan*”.³⁵ Hadith yang diriwayatkan oleh Imam al-Bukhari dalam bab ini ialah berkaitan dengan orang yang sentiasa meminta-minta kepada orang lain tanpa keperluan, maka pada hari kiamat nanti ia tidak akan memiliki daging di wajahnya.³⁶ Menurut Ibn Hajar, hadith ini merupakan celaan terhadap mereka yang telah cukup keperluan, tetapi sengaja meminta-minta kepada orang lain, dan

²⁹ Lihat Abu Zakariyya Yahya Bin Sharaf al-Nawawi (1983), *Sahih Muslim Bi Sharh al-Nawawi*, j. 2. (T.T.P.): Dar al-Fikr, h. 140-141.

³⁰ Lihat *Sahih Muslim Bi Sharh al-Nawawi*, j. 2, h. 140-141.

³¹ Lihat *Fath al-Bari*, j. 1, h. 100.

³² *Fath al-Bari*, j. 1, h. 100.

³³ <https://www.zakatselangor.com.my/keratan-akhbar/hukum-bukan-islam-bayar-zakat/>, diakses pada 31 Ogos 2022.

³⁴ <https://www.bharian.com.my/berita/wilayah/2021/04/807778/tidak-salah-bukan-islam-menyumbang-kepada-orang-islam>, diakses pada 31 Ogos 2022.

³⁵ Abu ‘Abdullah Muhammad Bin Isma‘il Bin Ibrahim Bin al-Mughirah Ibn Bardizbah al-Bukhari al-Ju‘fi (1311H), *Op.cit*, j. 2, h. 123.

³⁶ تخریج: [البخاری، الزَّکاۃ، مَنْ سَأَلَ النَّاسَ تَكْثِرًا، حديث 1474، عن عَنْدَ اللَّهِ بْنِ عُمَرَ رَضِيَ اللَّهُ عَنْهُ]

hadith ini juga menerangkan berkaitan akibat yang akan didapati oleh orang tersebut pada hari kiamat nanti.

Menurut Ibn Battal, pemahaman Imam al-Bukhari terhadap hadith ini ialah orang yang tidak ada daging di wajahnya pada hari kiamat nanti ialah mereka yang meminta-minta kepada orang lain hanya sekadar untuk mengumpulkan harta, tanpa sebarang keperluan mendesak kepada harta itu. Berbeza dengan mereka yang fakir lagi memerlukan, tidak mengapa mereka meminta-minta.³⁷ Berdasarkan laporan akhbar, Lembaga Zakat Selangor (LZS) kecewa dengan tindakan segelintir pihak yang cuba mengambil kesempatan di atas pelaksanaan inisiatif Bantuan Khas Covid-19 (BKC19). LZS turut berkongsi pengalaman salah seorang panel penilai BKC19 yang terpaksa berdepan kesulitan selepas begitu banyak permohonan diterima walaupun ada di antaranya tidak layak.³⁸ Oleh yang demikian, masyarakat kita perlu diajar agar tiada sikap meminta-minta kepada orang lain dalam keadaan yang ia tidak memerlukan, melainkan dalam situasi yang terdesak, maka dibolehkan untuk meminta-minta kepada orang ramai, termasuklah bantuan zakat.

KESIMPULAN

Berdasarkan kepada perbincangan di atas, membuktikan bahawa para ulama hadith dalam karya hadith, turut menyentuh berkaitan dengan permasalahan fiqah, yang tidak hanya sekadar mengumpulkan hadith semata-mata. Dalam *Sahih al-Bukhari* yang membicarakan mengenai zakat, banyak disentuh oleh Imam al-Bukhari berkaitan dengan fiqah yang mengandungi sebanyak 78 permasalahan zakat serta 118 teks hadith. Berdasarkan kepada permasalahan yang dikemukakan oleh beliau, terdapat beberapa tajuk yang masih relevan dibincangkan pada masa kini. Antara permasalahan yang dibincangkan ialah: 1) membayar zakat dengan cara terang-terangan dan tersembunyi, 2) orang bukan Islam dibolehkan untuk menunaikan zakat, dan 3) penyalahgunaan permohonan zakat oleh golongan yang tidak bertanggungjawab. Semoga permasalahan yang dibincangkan ini dapat memberikan satu keluasan fiqah dalam mengamalkan zakat di bumi Malaysia.

RUJUKAN

- ‘Abd al-Ghani al-Ghanimi al-Dimashqi al-Maydani al-Hanafi (1993), *al-Lubab Fi Sharh al-Kitab*, j. 1. Beirut: al-Maktabah al-‘Ilmiyyah.
- ‘Ala’ al-Din Abu Bakr Bin Mas`ud al-Kasani al-Hanafi (t.t.), *al-Bada’i‘ al-Sana’i‘ Fi Tartib al-Shara’i‘*, j. 2. Misr: Matba`ah al-Imam.
- ‘Ala’ al-Din Abi al-Hasan `Ali Bin Sulayman al-Mardawi (t.t.), *al-Insaf Fi Ma`rifah al-Rajih Min al-Khilaf*, j. 3. Beirut: Dar Ihya’ al-Turath al-‘Arabi.
- Abu ‘Abdullah Muhammad Bin Isma‘il Bin Ibrahim Bin al-Mughirah Ibn Bardizbah al-Bukhari al-Ju‘fi (1311H), *Sahih al-Bukhari*, j. 2. Misr: al-Sultaniyyah.
- Abu al-‘Abbas Shams al-Din Ahmad Bin Muhammad Bin Abi Bakr Bin Khalkan (t.t.), *Wafayat al-A‘yan Wa Anba’ Abna’ al-Zaman*, j. 4. Beirut: Dar Sabir.

³⁷ Al-Kirmani (t.t.), *Sahih al-Bukhari Bi Sharh al-Kirmani*, j. 4. (T.T.P.): Dar al-Fikr, h. 20.

³⁸<https://www.sinarharian.com.my/article/75653/edisi/selangor-kl/lzs-kecewa-ada-pemohon-cuba-ambil-kesempatan>, diakses pada 30 November 2022.

- Abu al-Hasan Bin `Ali Bin Khalf Bin `Abd al-Malik (t.t.), *Sharh Sahih al-Bukhari Li Ibn Battal*, j. 3. al-Riyad: Maktabah al-Rushd.
- Abu `Abdullah Muhammad Bin Idris al-Shafi`i (t.t.), *al-Umm*, j. 2. (T.T.P.): Dar al-Fikr.
- Abu al-Fida' `Abdullah Muhammad Bin Ahmad al-Ansar (t.t.), *al-Jami‘ Li Ahkam al-Qur'an*, j. 3. Beirut: Dar Ihya' al-Turtah al-`Arabi.
- Abu Bakr Ahmad Bin `Ali al-Khatib al-Baghdadi (1997), *Tarikh Bagdad Aw Madinah al-Islam*, j. 2. Beirut: Dar al-Kutub al-`Ilmiyyah.
- Abu Yahya Zakariyya al-Ansari al-Shafi`i (t.t.), *Asna al-Matalib Sharh Rawd al-Talib*, j. 1. (T.T.P.): al-Maktabah al-Islamiyyah.
- Abu Zakariyya Yahya Bin Sharaf al-Nawawi (t.t.), *al-Majmu‘ Sharh al-Muhadhdab*, j. 6. (T.T.P.): Dar al-Fikr.
- Abu Zakariyya Yahya Bin Sharaf al-Nawawi (t.t.), *Mughni al-Muhtaj Ila Ma`rifah Ma`ani Alfaz al-Minhaj Sharh al-Shaykh Muhammad al-Sharbini al-Khatib `Ala Matn al-Minhaj*, j. 1. Makkah: al-Maktabah al-Faysaliyyah.
- Abu Zakariyya Yahya Bin Sharaf al-Nawawi (t.t.), *Rawdah al-Talibin*, j. 2. Beirut: Dar al-Kutub al-`Ilmiyyah.
- Abu Zakariyya Yahya Bin Sharaf al-Nawawi (1983), *Sahih Muslim Bi Sharh al-Nawawi*, j. 2. (T.T.P.): Dar al-Fikr.
- Ahmad al-Ma`ruf Bi Shah Waliyullah `Abd al-Rahim al-Dihlawi (t.t.), *Hujjatullah al-Balighah*, j. 1. al-Qahirah: Dar al-Turath.
- Ahmad Bin ‘Ali Bin Hajar al-‘Asqalani (2005), *Fath al-Bari Bi Sharh Sahih al-Bukhari*, j. 4. Al-Riyad: Dar Taybah.
- Al-Kirmani (t.t.), *Sahih al-Bukhari Bi Sharh al-Kirmani*, j. 4. (T.T.P.): Dar al-Fikr.
- Al-Nawawi (t.t.), *Tahdhib al-Asma’ Wa al-Lughat*, j. 1. Beirut: Dar al-Kutub al-`Ilmiyyah.
- Al-Qadi `Abd al-Wahhab al-Baghdadi (t.t.), *al-Ma‘unah `Ala Madhhab Ahl al-Madinah*, j. 1. al-Riyad: Maktabah Nizar Mustafa al-Bazz.
- Al-Qadi Abu al-Walid Sulayman Bin Khalf Bin Sa`d Bin Ayyub Bin Warith al-Baji al-Andalusi (t.t.), *al-Muntaqa Sharh Muwatta’ Malik*, c. 2, j. 2. Misr: Dar al-Kutub al-Islami.
- Asrul Dauly & Ja‘far (2016), *Falsafah Pendidikan Islami Menguak Nilai-nilai Pendidikan Dalam Tradisi Islam*. Medan: Perdana Publishing.
- Ayman Bin Su`ud al-`Anqari (2009), *al-Masa’il al-Mustajaddah Fi Nawazil al-Zakah al-Mu`asirah*. Al-Riyad: Dar al-Mayman.

- Badr al-Din Abi Muhammad Mahmud Bin Ahmad al-`Ayni (2001), `Umdah al-Qari Sharh Sahih al-Bukhari, j. 8. Beirut: Dar al-Kutub al-`Ilmiyyah.
- Fakhr al-Din `Uthman Bin `Ali al-Zayla`i al-Hanafi (t.t.), Tabyin al-Haqa'iq Sharh Kanz al-Daq'a'iq, c. 2, j. 1. al-Qahirah: Matabi` al-Faruq al-Hadithah.
- Kamal al-Din Muhammad Bin `Abd al-Wahid al-Siwas Thumma al-Sakandari al-Ma`ruf Bi Ibn al-Hamam al-Hanafi (1977), Sharh Fath al-Qadir, c. 2, j. 2. (T.T.P.): Dar al-Fikr.
- Mahmood Zuhdi Abd. Majid (2003), Pengurusan Zakat. Kuala Lumpur: Dewan Bahasa dan Pustaka.
- Mansur Bin Yunus Bin Idris al-Buhuti (t.t.), Kashshaf al-Qina 'An Matn al-Iqna`, j. 2. Beirut: Dar al-Fikr. (1993), Sharh Muntaha al-Iradat al-Musamma Daqa'iq Uli al-Nuha Li Sharh al-Muntaha, j. 3. Beirut: `Alam al-Kutub.
- Muhammad Abu al-Layth al-Khayr Abadi (2009), 'Ulum al-Hadith Asiluha Wa Mu'asiruha, c. 6. Kajang: Dar al-Shakir.
- Muhammad Amin al-Shahir Bi Ibn `Abidin (1966), Hashiyah Radd al-Muhtar `Ala al-Durr al-Mukhtar, c. 2, j. 2. (T.T.P.): Dar al-Fikr.
- Muhammad Anwar al-Kashmiri al-Diyubandi (2005), Fayd al-Bari 'Ala Sahih al-Bukhari, j. 3. Beirut: Dar al-Kutub al-`Ilmiyyah.
- Nasir al-Din Muhammad Bin `Abdullah al-Samiri (t.t.), al-Mustaw'ab, j. 3. al-Riyad: Maktabah al-Ma`arif Li al-Nashr Wa al-Tawzī`.
- Nur al-Din 'Itr (2003), Manhaj al-Naqd Fi 'Ulum al-Hadith, c. 3. Dimashq: Dar al-Fikr.
- Shams al-Din al-Sarkhasi (t.t.), al-Mabsut, j. 2. Beirut: Dar al-Kutub al-`Ilmiyyah.
- Shams al-Din Muhammad Bin Ahmad Bin `Uthman al-Dhahabi (1997), Siyar A'lām al-Nubala', j. 12. Beirut: Dar al-Fikr.
- Shihab al-Din Ahmad Bin Idris al-Qarafi (1994), al-Dhakhira, j. 6. Beirut: Dar al-Gharb al-Islami.
- Yusuf al-Qaradawi (1973), Fiqh al-Zakah Dirasah Muqaranah Li Akkamiha Wa Falsafatuha Fi Daw' al-Qur'an Wa al-Sunnah, c. 2. Beirut: Mu'assasah al-Risalah.
- Yusuf al-Qaradawi (1985), al-'Ibadah Fi al-Islam, c. 15. Misr: Maktabah Wahbah.
- Yusuf al-Qardawi (2002), al-Sunnah Masdaran Li al-Ma'rifah Wa al-Hadarah, c. 3. Al-Qahirah: Dar al-Shuruq.
- Zayn al-Din Ibn Najim al-Hanafi (t.t.), al-Bahr al-Raqa'iq Sharh Kanz al-Daq'a'iq, j. 2. Beirut: Dar al-Ma'rifah.

SUMBER INTERNET

<https://www.zakatselangor.com.my/keratan-akhbar/hukum-bukan-islam-bayar-zakat/>,
diakses pada 31 Ogos 2022.

<https://www.bharian.com.my/berita/wilayah/2021/04/807778/tidak-salah-bukan-islam-menyumbang-kepada-orang-islam>, diakses pada 31 Ogos 2022.

<https://ezakat.maidam.gov.my/online/kalkulatorternakan.php>, diakses pada 5 September 2022.

<https://appszakat.sabah.gov.my/kalkulatorTernakan.php>, diakses pada 5 September 2022.

<https://jom.zakatkedah.com.my/kirazakat/tabkirazakat.php?op=1&ibx=04>, diakses pada 5 September 2022.

<https://www.zakatselangor.com.my/keputusan-syariah-zakat/kiraan-zakat-padi/>, diakses pada 5 September 2022.

https://www.maips.gov.my/index.php?option=com_sppagebuilder&view=page&id=70&Itemid=840&lang=ms, diakses pada 5 September 2022.

<https://new.zakatpahang.my/index.php/kira-zakat/kalkulator-zakat-pertanian>, diakses pada 5 September 2022.

<https://jom.zakatkedah.com.my/kirazakat/tabkirazakat.php?op=1&ibx=02>, diakses pada 5 September 2022.

<https://ezakat.maidam.gov.my/online/kalkulatortanaman.php>, diakses pada 5 September 2022.

<https://appszakat.sabah.gov.my/kalkulatorPadi.php>, diakses pada 5 September 2022.

<https://www.zakatkedah.com.my/zakat-pendapatan/>, diakses pada 7 November 2022.

<https://www.bharian.com.my/bhplus-old/2015/09/80790/4000-penerima-zakat-selangor-dikesan-tak-asli>, diakses pada 7 November 2022.

<https://www.sinarharian.com.my/article/75653/edisi/selangor-kl/lzs-kecewa-ada-pemohon-cuba-ambil-kesempatan>, diakses pada 30 November 2022.